

Za
Roditelje/staratelje učenika 3. razreda
osnovne škole i laponske škole
ili 4. razreda škole za djecu sa posebnim potrebama

Nacionalni ispiti

Pozdrav!

Ovo pismo ste dobili jer ste roditelj i/ili staratelj učenika koji će u proljetnom polugodištu polagati nacionalne ispite iz predmeta matematika, švedski i švedski kao drugi jezik.

Zašto učenici polažu nacionalne ispite?

Učenici 3. razreda osnovne i laponske škole i učenici 4. razreda škole za djecu sa posebnim potrebama polažu nacionalne ispite. Nacionalni ispiti trebaju pomoći da se sprovede ravnopravna i pravedna procjena znanja učenika. Ispiti će pomoći nastavnicima u procjeni znanja učenika u poređenju sa zahtijevanim znanjima iz nastavnog plana i programa.

Univerziteti u Uppsali i u Stockholmu razvijaju i prave ispite po nalogu Zavoda za školstvo (Skolverket). Zadaci sa ispita su testirani u mnogim školama širom zemlje. Učenici i nastavnici imali su priliku dati svoje stavove koji su uzeti u obzir prilikom sastavljanja ispita.

Polazne tačke za određivanje sadržaja i pripremu ispita jesu nastavni planovi ovih predmeta. Međutim, nije moguće na jednom ispitu provjeriti sve iz nastavnog plana i programa predmeta. U tom slučaju bi ispit bio previše opširan.

Nacionalni ispiti ne polaze od određenog načina rada ili posebnih nastavnih sredstava. Na ispitima učenici mogu pokazati svoje znanje na više načina.

Kada će ispiti biti održani?

Nacionalni ispiti se sastoje od različitih ispitnih dijelova. Ispiti će se održati u proljetnom polugodištu, od 11-20. sedmice i obavezni su. Škola odlučuje kada će u tom periodu održati različiti dijelovi ispita. Zamišljeno je tako da će ispiti, koliko je to moguće u tom periodu, biti dio nastave.

Kako se ocjenjuju ispiti?

Nastavnik će se pridržavati postojećih detaljnih smjernica za ocjenjivanje ispita. Kasnije, pri vršenju opće procjene, kod ocjenjivanja učenikovog znanja iz jednog predmeta, nastavnik uzima u obzir i rezultate ispita.

Prikupljanje rezultata

Zavod za školstvo u saradnji sa Centralnim zavodom za statistiku (Statistiska centralbyrån - SCB) prikuplja rezultate ispita. Sakupljanje rezultata ispita je neophodno za procjenu po školama, ali i za analizu rezultata u zemlji, u općinama i kod nadležnih organa nezavisnih škola.

Od čega se sastoje predmetni ispiti?

Predmetni ispiti imaju zajedničku temu. Tema je zasnovana na priči o djeci po imenu Nova i Troj. Svrha priče je ublažiti ispitni stres i učeniku olakšati ispit. Posle svakog dijela ispita se jedna slika i tekst koji pripadaju priči postavljaju na plakat u učionici. Avantura s ovo dvoje djece završena je kada su učenici završili sa svim dijelovima ispita i svi dijelovi su postavljeni na mjesto.

Matematika

Nacionalni ispit iz matematike sastoji se od različitih dijelova ispita sa pisanim zadacima koje učenik individualno rješava i usmenim zadacima koje učenici rješavaju u manjim grupama. U pisanim i usmenim zadacima, učenici imaju priliku pokazati da mogu objasniti i argumentirati na koji način razmišljaju matematički.

Švedski i švedski kao drugi jezik

Nacionalni ispit je zajednički za oba predmeta švedskog jezika i sastoji se od nekoliko ispitnih dijelova. Postoje zadaci koje učenici rade pojedinačno i koje rade u grupi. Učenici kroz različite zadatke imaju priliku pokazati svoje znanje govora, razgovara, čitanja i pisanja.

Šta je profil znanja i vlastita procjena?

Rezultati učenika na nacionalnim ispitima i procjena nastavnika drugih učinaka učenika u predmetima mogu se sumirati u profilima znanja. Ti dokumenti se mogu koristiti kao podloga na razgovorima o napredovanju učenika.

Na svakom ispitu postoji jedan dio za vlastitu procjenu u kom učenik razmišlja o svom ličnom učenju i opisuje svoje znanje iz dotičnog predmeta. Vlastita procjena može biti kasnije upoređena s učenikovim profilom znanja u jednom predmetu i o tome može biti razgovarano prilikom razgovora o napretku učenika.

Gdje se može naći više informacija?

Više informacija o nacionalnim predmetnim ispitima nalazi se na web mjestu
Zavoda za školstvo

www.skolverket.se/bedomning

www.skolverket.se/garanti-tidigt-stod

Tu postoje i linkovi za primjere zadataka s ispita.

Kontaktirajte Zavod za školstvo

nationellaprov@skolverket.se